

O Concello de Arteixo publica as bases e convocatoria para o “XVIII Concurso de Escaparates de Nadal 2022”, aprobadas pola Xunta de Goberno Local do 3 de novembro de 2022:

“BASES DO XVIII CONCURSO DE ESCAPARATES DO NADAL 2022

CONCELLO DE ARTEIXO

PRIMEIRA.- Obxecto e finalidade. Esta iniciativa, convocada polo Concello de Arteixo, ten por obxecto incentivar e premiar ás persoas físicas e xurídicas titulares de pequenos establecementos comerciais, de servizos persoais e hostalería do municipio para que decoren os seus locais, impulsando a actividade comercial e potenciando o ambiente festivo durante o mes de decembro coincidindo coas festas do Nadal.

SEGUNDA.- Participantes. Poderán participar neste concurso os pequenos comercios, servizos persoais e hostalería que desenvolvan a súa actividade no termo municipal de Arteixo, sempre que cumpran todos os requisitos para o exercicio da actividade e teñan o escaparate decorado con motivos do nadal como mínimo durante un período comprendido entre o 5 de decembro de 2022 e o 7 de xaneiro de 2023.

TERCEIRA.- Inscripción e presentación de solicitudes. Para inscribirse no concurso, deberán entregar no Rexistro do Concello de Arteixo ou sede electrónica, unha **solicitud de inscrición**, segundo o modelo creado a tal efecto e que se inclúe no anexo. Igualmente tamén poderán presentarse por correo electrónico á dirección emprego@arteixo.org. A inscrición será gratuíta.

Unha vez rematado o prazo de inscricións elaborárase e publicarase na páxina web municipal unha listaxe de establecementos participantes.

CUARTA.- Prazo de inscricións. O prazo de inscricións comezará o día 28-11-2022 e rematará o 11-12-2022, ambos inclusive.

QUINTA.- Premios. Establécense as seguintes modalidades de premios dotados coas seguintes contías:

1. Primeira modalidade

- ◆ Primeiro premio: 1.000,00 € (mil euros).
- ◆ Segundo premio: 800,00 € (oitocentos euros).
- ◆ Terceiro premio: 500,00 € (cincocentos euros).

2. Segunda modalidade

- ◆ *Accésit á orixinalidade: 450,00 € (catrocentos cincuenta euros).*

3. Terceira modalidade

- ◆ *Premio por votación popular: 900,00 € (novecentos euros).*

Para o financiamento destes premios existe crédito na aplicación orzamentaria 241.48100.

O xurado resérvase o dereito a declarar os premios desertos, se o estimase oportuno.

Os ditos premios estarán suxeitos ás retencións que se determine pola lexislación tributaria vixente e faranse efectivos mediante transferencia bancaria aos premiados.

Un mesmo establecemento non poderá resultar premiado en máis dunha modalidade do Concurso.

SEXTA.- Desenvolvemento.

Unha vez rematado o prazo de inscrición, publicarase na páxina web a relación de establecementos admitidos no XVIII de Concurso de Escaparates 2022, indicándose a ligazón á ferramenta empregada para a votación popular ou mecanismo que se habilite ao efecto.

As decoracións dos establecementos serán examinadas polo xurado o día 20-12-2022 e sucesivos se fora necesario, entre as 18:00 e as 21:00 horas.

O xurado para as dúas primeiras modalidades estará composto por:

- *Dous representantes do mundo comercial e artístico especializado/a en técnicas de escaparatismo e merchandising.*
- *Técnico/a do Departamento de Promoción Económica do Concello de Arteixo ou, no seu defecto, a persoa na que delegue, que actuará como secretario/a do xurado.*

SÉTIMA.- Criterios de adxudicación dos premios.

a) Primeira modalidade: Premios 1º, 2º e 3º.

A adxudicación dos premios primeiro, segundo e terceiro farase en función dos puntos a outorgar en cada un dos seguintes criterios por parte do xurado:

- *A imaxe comercial e presentación do produto: ata 4 puntos*
- *A creatividade da decoración: ata 4 puntos*
- *O impacto visual: ata 4 puntos*
- *A integración coa actividade comercial do establecemento: ata 4 puntos*

b) Segunda modalidade: Accésit á orixinalidade, segundo este criterio.

c) Terceira modalidade: Votación popular.

A adxudicación deste premio farase en función do resultado da votación popular efectuada desde a seguinte URL: <https://arteixo.org/servizos/promocion-economica/>, resultando gañador o establecemento participante que rexistre o maior número de votos. Cada persoa poderá votar soamente ao escaparate dun establecemento (un escaparate por IP). Os votos poderán emitirse desde a publicación na páxina web municipal da relación dos establecementos admitidos no Concurso, ata as 24:00 h do día 25 de decembro de 2022.

O Concello de Arteixo resérvase o dereito a descualificar a calquera participante se existe calquera sospeita de uso fraudulento das ferramentas e na forma de participar nesta modalidade do concurso. Por este motivo, poderanse tomar as medidas oportunas tales como, bloquear usuarios, descualificar contidos, usuarios ou calquera outra acción que o Concello estime oportuna.

OITAVA.- Adxudicación dos premios.

A adxudicación dos premios efectuarase a partir da valoración do xurado profesional (primeira e segunda modalidade) e polos votos emitidos na modalidade de votación popular (terceira modalidade).

O resultado do Concurso, quedará reflectido na acta correspondente, darase a coñecer na páxina web do Concello de Arteixo (www.arteixo.org).

NOVENA.- Pago dos premios.

Con carácter previo ao outorgamento dos premios, comprobarase que os premiados propostos polo xurado están ao corrente das súas obrigas tributarias municipais, estatais e coa seguridade social e non son debedores á facenda municipal polo reintegro de subvencións. Os participantes, ao asinar a solicitude, están autorizando ao Concello a realizar as comprobacións oportunas.

Non poderán obter a condición de premiados as persoas ou entidades nas que concorran as circunstancias que permitan cualificalos como beneficiarios segundo o disposto no artigo 13 da Lei 38/2003 xeral de subvencións, no artigo 10 da Lei 9/2007 de subvencións de Galicia e demais normativa aplicable.

DECIMA.- Aceptación das bases.

O feito de participar neste concurso presupón a aceptación de estas bases e coa aceptación da Bases do Concurso, os/as participantes asumen que a cesión de dereitos sobre a fotografías coas que poidan participar non lles confire ningún dereito de remuneración ou beneficio algún coa única excepción feita da participación no Concurso conforme as presentes Bases.

SOLICITUDE DE INSCRICION NO XVIII CONCURSO DE ESCAPARATES DE NADAL 2022

DATOS DA EMPRESA:

Razón Social:

CIF/NIF:

Nome Comercial:

Actividade:

Enderezo:

Email:

Teléfono:

Fax:

SO EN CASO DE PERSOAS XURÍDICAS

Nome e Apelidos:

DNI/NIE:

En calidade de:

Declaro que os datos anteriores son certos e que coñezo e acepto as bases do concurso, e que no caso de ser premiado autorizo ao Concello de Arteixo a comprobar o cumprimento de atoparse ao corrente no cumprimento das obrigas tributarias e coa Seguridade Social.

Data.....

Sinatura do titular ou representante legal

Sr. Alcalde-Presidente do Concello de Arteixo (A Coruña)

En virtude do Regulamento (UE) 2016/679 de 27 de abril e da Lei Orgánica 3/2018, do 5 de decembro, de Protección de datos persoais e garantía dos dereitos dixitais, os datos que voluntariamente faciliten os concursantes serán utilizados exclusivamente para este fin. Os datos non serán comunicados a terceiros. O interesado poderá exercer os dereitos de acceso, rectificación, portabilidade e supresión dos seus datos, e os de limitación e oposición ao seu tratamento dirixíndose ao Concello de Arteixo, Praza Alcalde Ramón Dopico, nº 1, Arteixo.